

槐

廳

載

筆

槐廳載筆卷三

國子監祭酒法式善編

恩榮

順治戊戌春三月閱卷事畢由貢院入左掖門回奏時  
上在乾清宮謂內侍曰今日諸試官放榜是喜事

命御褙衣乘步輦至乾清門總裁官暨同考官朝見畢  
命各官升階賜坐視

御座相去不及丈許大學士傅以漸學士李蔚等將閱卷諸事  
各奏對畢復

命賜茶是日

天顏怡悅遍視各官良久曰爾等面貌俱比前較瘦應是看文  
日久可早回家去遂起謝

恩出寶綸堂稿

戊戌春

世祖親覆試江南丁酉貢士以古文詩賦拔武進吳珂鳴第一是年禮闈榜後

上諭特賜珂鳴進士與中式舉人張貞生等一體殿試尋改庶吉士同時崑山葉方藹試瀛臺賦甚工

上深喜之踰年己亥秋復行會試葉中式賜一甲第三人及第

池北偶談

國朝狀元多不永年中間惟丙戌傅閣學以丁亥呂閣學官大

拜卒己丑劉修撰子壬辰鄒修撰忠戊戌孫修撰承辛丑馬侍

讀世皆不數年而沒豈氣數為之耶孫修撰之歿

世祖章皇帝深悼惜之賜白金三百兩歸其喪蓋曠典也詞

姜宸英字西溟以古文名世四十年入明史一統志二館充纂修官食七品俸十餘年

上久知其名康熙癸酉始中順天鄉試年已六十餘至是中會試第八名殿試初擬汪士鋐一甲第二張虞惇第三宸英名在二甲第四及讀卷

上問進呈十卷中有姜某乎韓閣學荻對宸英在史館久臣識其字蹟某卷當是也

上云姜某讀書多能古文可拔置一甲於是升置及第第三人而虞惇移第二士鋐移二甲第一宸英晚遇而蒙

特達之知曠代所無也

居易錄

上召海寧舉人查慎行武進舉人錢名世長洲監生何焯休寧監生汪灝于

南書房屢試詩及制舉文

特賜焯灝舉人明年一體會試

香祖筆記

考試新差提督各省學政翰林侍讀學士張廷樞等郎中翁嵩

年等十一人于

南書房稱

旨人賜

御書一幅

八股題夫子循循然善誘人一首詩題恭和御製考試款

同上

本朝惟高陽李文勤公三典會試今孝感熊公以癸丑甲戌丁

丑庚辰癸未五典會試澤州陳公以壬戌辛未癸未亦三典會

試可謂盛事按明二百七十年惟金谿王公英永樂戊戌宣德

庚戌正統壬戌三典會試耳

康熙九年十二月十九日

上召對弘德殿學士臣哈占引臣蔡啟傳臣孫在豐臣徐乾學  
臣牛鈕臣博濟臣德格勒臣沈獨立以次奏事畢

命臣啟傳臣在豐臣乾學進殿內分立

御座旁

傳上曰今日無事汝三人可各賦一詩滿庶吉士講書可也中涓

旨賜坐詩成並蒙

睿獎

賜茶而出驚園文集

葉方藹順治戊戌充貢士入都

先皇帝召見親試列名第八己亥春再試拔第一八月舉南宮

九月傳臚曰

親諭朕知汝久特拔汝爲一甲進士又數對臣下稱道文學讀

齊偶  
存稿

三月二十三日

皇上陞太和殿傳臚元龍蒙

恩賜第一甲第二名及第謝

恩禮畢卽隨金榜由

午門中道而出順天府備上馬宴於東長安門外大京兆親爲  
簪花披紅具黃蓋儀從遊街至順天府署中

賜恩榮宴京兆親送歸寓恭紀以詩仙仗森嚴旭日明丹墀深  
處集羣英姓名幸近魁三象臚唱初傳第二聲疏屨乍離千載  
遇圭璋特達寸心驚雲呈五色慙虛譽御道欣隨榜後行公卿  
環問一書生年齒家門與細評黃蓋朱旗煩導引青衫白面載

恩榮敢將温飽虛初志豈有文章報

聖明白髮高堂庭訓在綵衣南望不勝情

愛日堂集

翰林院侍讀竇應喬君以疾卒於京師其子崇烈扶其柩歸葬於縣治東南箕山之陽乞檢討吳江潘君耒銘其藏又請彛尊爲文伐石以表君墓君萊諱子靜字別字石林世爲寶應人曾祖邦從祖份不仕父可聘天啟二年進士掌河南道御史以廉直聞母王氏有壺行君中康熙二年鄉試六年賜進士出身除內閣中書舍人十一年充順天鄉試同考官關節不到以父老請歸終養尋丁憂居喪盡禮服除補原官十七年有

詔舉博學宏詞備顧問君被薦明年

召試體仁閣下賦詩居一等改授翰林院編修纂修明史史館初設在東安門內肩輿不得進君體肥艱于步趨騎廐一頭展



入申出考稽典籍念崇禎朝乏實錄與同館四人先撰長編以  
實討論會廣西平補行鄉試君奉

命主考稱得士還充

太祖高皇帝實錄纂修官實錄以國書譯漢文文義後先恒祖  
勅君能曲暢本旨一經濡削語簡而事加詳經進

天子稱善時

上再試詞臣悅君作曰喬萊學問優長文章古雅爰

命君充日講官知起居注尋遷左春坊左中允纂修

三朝典訓進翰林院侍講再進侍讀

原書  
亭集

曹爾堪字子顧別字顧菴十歲能屬文十二善詩詞時人擬之  
聖童順治丙戌舉浙江鄉試壬辰登第改翰林庶吉士授編修  
爲文敏給博麗兼長衆體閣試兩稱最同館皆遜服之乙未春

亦分校禮闈得士二十二人如陳尚書鼐永胡學士簡敬皆有聞當世是時

世祖章皇帝力崇文治數召試諸詞臣品目甲乙君扈從瀛臺上齊顏顧問嘗受

詔與吳學士偉業等同注唐詩書成稱

旨特被褒嘉中外驚傳其語無何以侍郎公憂歸服除補舊秩俄遷侍讀陞侍講學士故事翰林官皆積歲待遷君半歲遷至

再殆殊遇也

學餘堂文集

美門叔父謁

駕時特蒙

溫旨召賜松桂堂匾額未由陳請

南吟詩稿註

丙辰余與叔北行乙丑春 乾清宮覆試亦得同與

青崖侍直南書房

命賦詩恭呈

睿覽臨軒批閱

天語褒嘉誦至天空一片明句尤蒙

獎譽特置第一竟青集

按題為賦得曠然塵慮清五律蕭山陳至言青崖作

雲舉編修奉

旨讀書殿內三年得詩一卷輒題其後春風阿閣舊巢痕鶴貌

猿吟興尚存一自集賢論考最纔知三載是

君恩看殘禁月冰壺冷開遍官花曉樹温綠字青編香捲後誰

言蓬海浩無垠查浦詩鈔

按雲舉名阿金滿洲鑲白旗人辛未庶吉士授檢討此云編

修侯考

康熙甲戌三月初二日 車駕自霸州回初五日兩院長奏請散館

上命內閣擇日考試次日

上幸暢春苑面諭閣臣云庶吉士散館在暢春苑好蓋以舊例或在體仁閣或在保和殿也十二日物爽諸臣集院東御柳下坐辰刻

上御澹寧居內閣九卿啟奏畢諸臣以次引見每十人爲一班凡三十有四人億名在十之五

上坐御榻以次詳問兩院長跪左側一一奏對訖天顏喜甚見畢

上入內諸臣皆出閣臣請題

上諭內閣擬進欽定於是諸臣復以次入在澹寧居階下布席澹寧居爲苑中聽政之所凡三楹不甚高椽以長廊無丹纒彫鏤之飾雖史傳所稱茆茨土階何多讓焉少頃閣臣捧黃紙朱字題二授兩院長以一授修撰臣戴有祺以一授庶吉士臣楊中訥閣臣復傳

上諭云爾等清書繙畢將漢書題目都做來諸臣就坐申刻賜膳肴八點四湯飯各一復賜茶茶罷行三叩頭禮謝

恩先是未試前十日夢與同年戴板同几席試殿廷而戴卷視億差大心甚怪之未幾突起燄火一切就燬倉皇逸出相視笑曰此番我卷當與君同矣又一友人來前曰君向以不鼎元爲快快今日之事定是佳兆安知昔日所云日華高照處佳氣正細溫者不驗今日耶因思戴固漢書也卷安得與億同且平日

未有此詩句真屬不解然有生來所得異夢往往奇驗豈昔夢不虛而今夢乃相玩弄耶

御試舊例習滿書者不得及漢文至是

特諭滿漢文兼考億思兩年間奔馳南北國書尚未嫻習天顏咫尺何敢草草欺誑

聖明遂不復措意國書止作仁是天地之心論賦得別館在寒淑氣催五言十二韻卽用夢中句子作結跽

御榻前直陳云臣蒙

皇上殊恩於稠人之中拔置庶吉士未及三月給假南還至上年十一月赴館肄習日淺實未精熟今若冒昧繙譯直是上欺君父臣既不敢欺又不忍負

皇上拔擢之恩伏乞再留教習三年以圖報稱於是內閣諸臣

竟將億卷附漢書之末而名次適與戴相連嗜異矣越三日  
上親閱國書諸卷多不稱

旨切責長院嚴加處分獨億以漢書文字兩蒙

皇上激賞竟欲拔置第一內閣諸臣格於舊例奏億卷無清書  
不便遽置高等

上沉吟良久問狄億年紀幾何閣臣對年紀很小

上曰狄億漢文甚佳字亦是文人之筆且情願學習志甚可嘉  
著再教習三年伏念億草芥單寒行能無算遭逢

盛世幸筮清班今復邀此異數後先情事竟與夢中一一符合  
天恩高厚傑然豎儒何從報答惟有捐糜頂踵以仰酬夫萬一

而已

御試  
恭紀

康熙四十一年十月二十八日與揆愷功學士同試 南書房

感舊天上青雲客人間白雪翁交新  
雙闕下話舊十年中詩  
讓揮毫速文慙起草工薦賢名偶玷深愧躡追風是日

召試十二人

欽定揆敘第一慎行第二敬業堂詩集

奉

旨免赴教習廳賦呈院長揆公第二廳前逐隊過北扉咫尺接  
鑿坡

詔恩已免春秋課館職猶充弟子科變白果能生黑否出藍其  
奈謝青何回思東閣傳經地老廁門墻媿自多同上

前年

皇上命

東宮出閣講學文華殿特



召歸德湯先生於江南命以禮部尚書管詹事府事重德行也  
逾年蘇州翁先生亦自國子祭酒擢爲少詹事先生表帥六館  
盡祛監中夙弊所條奏諸教育法準於古制時議惜不盡用今  
而知

朝廷之用先生其意良厚而其職則以古司成而行少傅之事  
無以異也

湛剛未  
定稿

臣英謬以疎賤謫薄際昌時遭景會以康熙六年丁未成繆彤  
榜進士授翰林院庶吉士是年冬以先大夫憂去九年庚戌服  
闋補原官十一年壬子秋授編修次年春充禮闈同考官三月  
上幸南苑命臣英偕同官臣史鶴齡扈從于 行宮進講

詔獻南苑賦嗣後每巡行必侍從或獨往或與侍讀臣孫在豐

偕

篤素堂  
文集

康熙乙酉春

上南巡江浙嗣立以商邱宋中丞疏薦

召試秋八月應

詔北發十月抵闕奉

敕開館選錄四朝詩潛鱗弱羽倏荷吹噓玉檢瑤函親承緝校

不翅海客之乘查浮天也

閩邱詩集

尤名侗字展成江南長洲人文辭超軼經術醇深弱冠名播天下所交皆人倫英傑初仕永平司李後以博學宏詞科

特授翰林朝野榮之

今世說

徐名乾學字原一庚戌探花及第官贊善與弟果亭立齋並以文章顯名當世時號三徐學博才雄與之游恂恂謙謹言論所

及爲藝林所宗

同上

沈朝初字洪生東田其別號考諱世奕順治乙未進士由翰林國史院庶吉士授編修充

日講官後以君貴贈朝議大夫司經局洗馬妣范氏翰林院檢討必英姊累贈太恭人洗馬公生子五人君行三生而穎悟好學問范檢討異之推劉盧之好更妻以女初讀書舅氏萬卷樓窺其藏簡殆遍故禮部尙書韓公菘文章海內宗主方伏處里閉君與兩兄延欵於家商榷討論戊午魁其經己未進士改授庶吉士先是君仲兄旭初由丙辰進士官編修一時父子兄弟並在翰林時人榮之辛酉授編修乙丑正月

御試詞臣於保和殿越日覆試乾清宮才十一人而君與焉二月會試分校得士多孤寒名傳七月以外艱歸服闋又二載入都壬申三月授右春坊右贊善四月轉左甲戌夏遷司經

局洗馬未幾侍直 內廷

召見西暖閣試御前金蓮花詩稱

旨又

命書綾字一幅丁丑冬擢左庶子巳卯夏遷翰林院侍講學士  
庚辰夏六月十七日

召試暢春苑翼日

賜御書綾字詩一幅是歲冬轉侍讀學士君自授職後

御試凡六悉奉

溫旨嘗進呈紀恩詩有兩世三人蒙簡擢廿年六試荷優容之

句紀其實也

穆堂初稿

南溪學士曹爾堪字子顧號顧菴嘉善人勲之長子順治壬辰  
進士選庶吉士兩冠閣試授編修扈從 瀛臺南苑

世祖褒問諭令與吳偉業同註唐詩丁艱起補轉侍讀旋陞侍

講學士轉盼三擢異數也

携李詩繫

藍潤自吉士厯春坊及國史宏文兩院皆侍從清要被

恩眷尤渥顧性廉介樸直嘗僦屋窮巷中闔屋著書出則敝車羸馬不異儒素故事直隸江南皆以臺員視學

世祖特簡用詞臣以潤爲江南上江督學使者潤至盡剔積弊勵頹靡拔寒畯士風文體爲之一變

世祖每顧廷臣曰居官如藍潤可法也會直省監司多以不稱職報罷朝議難其人順治十二年

諭曰翰林官員簡擢中秘習知法度今用人孔亟必得文行兼優者以學問爲經濟庶能飭法惠民助登上理茲朕親行裁定如某某等皆品行清端材猷贍裕信任旣久圖報必殷於是潤

遂以右參政督糧福建

浣初集

秋月瀛臺

賜讌 資綵幣及菱藕諸物

上命以 御船載各官至讌所傳

旨在讌諸臣笑談無禁

叢碧山房詩註

高曰聰字作謀號雲曙癸丑進士辛酉以中書舍人典試廣東是科得人最盛復

命擢刑部員外郎陞戶部郎中戊辰奉使提學福建總督奏公廉明第一辛巳調天下學臣在籍者赴南河特免之是年秋

上諭諸大臣保舉賢才李公光地彭公鵬兩撫軍交章薦公至有日月爭光之語海內方拭目以待公之大用而公竟以疾卒

聞者莫不惜之

山左詩  
鈔案語

偶見明人紀載以人臣數典文衡者為遭逢盛事永樂正統間  
錢侍郎習禮三為會試同考官兩主鄉試三充廷試讀卷官又  
劉文靖健再主兩京鄉試四為會試同考官一主會試六充廷  
試讀卷官李文正東陽再主兩京鄉試兩為會試同考官兩主  
會試八充廷試讀卷官楊文敏榮一典京畿鄉試九為廷試讀  
卷官胡忠安滌十知貢舉士林皆傳為美談余自通籍以來康  
熙丙戌壬辰乙未三科為會試同考官雍正癸卯主順天鄉試  
雍正癸卯甲辰乾隆丁巳三主會試康熙辛丑雍正癸卯甲辰  
丁未庚戌乾隆壬戌六充廷試讀卷官其餘廷試諸年皆以子  
弟與試引例迴避惟雍正癸卯年胞弟廷璩堂弟廷珩姪孫若  
涵同登甲榜廷試時余不應讀卷蒙

世宗憲皇帝特降諭旨破格簡用尤異數中之罕見者國語  
各省督學之官最難稱職而在人文輒盛之省則難之又難蓋  
胥吏弊竇孔多人情愛憎不一而又歷三年之久偶或檢點不  
到則謗議隨之而衆口傳播矣予三弟廷璐爲翰林時奉  
命督學河南以生員阻撓公事約束不嚴罷斥後蒙  
世宗皇帝鑒其誠樸宥過特用且畀以江蘇最繁劇之任三年  
報滿有公明之譽蒙

恩嘉獎再留三年又在任稱職屢遷至少宗伯今

上卽位又留三年前後三任九年矣乃向來所無之事閱二年  
江蘇又缺員

上仍欲命廷璐往玉再四懇辭遂

命六弟廷璩往是兄弟二人四任此官誠異數也同上



皇上御極之元年大化旁流仁風翔洽誕興文教廣育羣材  
特詔鄉會兩科一歲並舉且增加原額夏四月臣廷玉典順天  
鄉試蒙

恩晉秩官保榮極愧深非伊朝夕九月會試

皇上過信臣愚仍使與左都御史臣軾同主試事承  
命之日戰汗悚懷伏念臣世受

國恩當

聖祖仁皇帝時臣父先臣英服勤四十餘年預參機務臣兄弟  
三人俱由詞臣侍從臣供奉

內廷屢遷吏部侍郎

皇上龍飛復蒙

眷倚命作秩宗兼掌翰林臣弟臣廷璐典試八閩晉秩學士臣

於京兆試竣既叨殊榮而臣之子弟廷珩若震若涵等三人又蒙

特試激賞並

賜舉人一門之內受

恩至渥茲復校士南宮臣廷璐亦共鎖院

皇上擢臣爲地官之長

命臣廷璐視學中州仰戴

天光釋思廷訓負荷重而報稱難稟稟若涉冰淵謹與諸臣晝夜批閱詳校慎取得中式卷如額我

皇上軫念人才惟恐尚有遺逸

特詔佳卷之在額外者一併進呈考官子弟之引嫌者悉令補

試

欽命中式九十人而廷珩廷彖若涵三人俱蒙

恩避選臣廷珩入對

大廷復蒙

拔置二甲第一

天語優獎

遺賞圖  
文存

若霽王子中順天鄉試第六十一名舉人榜發廷玉方入內直  
世宗憲皇帝見題名錄遣內侍傳諭曰張若霽中式矣少頃內  
侍捧松花石硯一方以

賜此若霽拜

賜之始也癸丑成進士殿試後三日

憲皇帝御懋勤殿閱卷因諭讀卷官曰爾等所擬名次尚有未  
協中擬第五卷策語懇摯識見老成非經生可比字畫亦端楷

應將原擬第三卷改爲第一原擬第五卷改爲第三

命大學士批於卷首及啟彌封則第一係會元陳倓第三則張若霽也

帝大喜諭曰此大學士張廷玉之子策內議論確有識見想其習觀習聞稟承家訓得大臣忠君愛國之意是以敷陳之言切當懇摯如此張廷玉佐朕多年居心行事比諸古人舉夔稷契信可無愧且自伊祖父累世厚德繩繩相繼宜其後人克肖賢才蔚起以副國家之用朕於爾大臣等深願人人如此乃慊於懷耳是時廷玉在直廬辦事

道內侍傳

諭曰爾子張若霽取中探花矣特告大學士知之廷玉聞

自驚懼失措免冠叩首懇辭數四內侍傳奏未蒙俞允已批定

甲第令讀卷官捧出填榜廷玉奏請面見啟事仍免冠叩首繼以泣下奏曰三年大比合計天下應鄉試者十數萬人而登鄉薦者不過千餘人以數科之人來京會試而登春榜者亦只三百餘人是此鼎甲三名雖拔於三百餘人之中實天下士子十數萬人之所期望而不可得者臣家世受

皇恩無所不極其至臣子若靄又占科名最高之選臣實夢寐難安願讓與天下寒士若君恩祖德庇祐臣留其福分以爲將來上進之階更爲美事

憲皇帝憐其愚忱乃命改爲二甲第一名並將前後情節頒發上諭宣示中外俾天下讀書人共知之上

唐東江旣成進士需次又久而選令朝邑

天子熟聞先生名

召試乾清宮西暖閣稱

旨不令之任用主事銜留行走翰林中已而補儀部尋擢銓部出典浙試其典試也既以掄文鉅眼又念昔日辛苦之地精明

較閱所拔皆兩浙才儻號稱得人

白樓文集

王拙園宮詹以高門華胄早擢詞林嘗蒙

御試乾清宮賦詩第一凡史館大著作多出其手屢膺

簡命典黔試視蜀學

同上

乾隆三十有四年三月會試直省貢士牒名禮部列疏以聞於是臣綸偕臣德保欽承

簡畀爲正副考官典厥事是日

命甫下恭逢

皇上御門聽政臣綸膝席叩謝伏蒙

聖慈進臣而

諭以搜探之宜詳甄錄之宜慎竊惟學識凡猥屢玷文衡自戊午已未兩預分校辛酉充陝西鄉試正考官至戊辰會試知貢舉其年秋充武會試正考官庚辰再充順天鄉試正考官茲復疊被

殊施重叨

恩訓即日入闈載棟載懼

經菴文集

康熙己未

詔舉博學鴻詞海內老宿名士雲集輦轂月給司農錢以磨入高等者授爲翰林及期

御試體仁閣下西清給札光祿傳餐

恩遇隆渥實唐宋制科所未有海鹽彭美門孫適哀然舉首

命下之日自王公九卿及庠序諸生思先睹試帖以爲快一時  
同舉諸公則有其年陳君次耕潘君大可毛君鈍翁汪君悔菴  
尤君竹垞朱君他如施愚山龐雪厓王華亭湯睢州諸君子皆  
當代鴻儒得人之慶莫盛於此

香樹齋文集

無錫杜詔紫綸少從鄉先輩屢中允搢服顧舍人梁汾遊工於  
倚聲康熙四十四年

聖祖南巡以諸生進迎

鑿詞

駕幸惠山又進梁谿望幸詞

召見御舟

賜綾詩一幅已而被

召來京一日傳待



詔者八人入

南書房命寫

御製金蓮花賦各賦紀恩詩一首紫綸獨進一詞拔置第一旋

命纂修歷代詩餘又

命修詞譜辛卯舉京兆秋試壬辰

欽賜進士改庶常詞科掌錄

交河坦齋王公蘭生以諸生用安溪相國薦與編纂律呂正義

諸書

聖祖以癸巳秋

特賜公與禮部試辛丑與殿試改庶吉士

世宗憲皇帝嗣位授編修乙巳遷司業丙午主廣東秋試事

詔督學浙江三遷至侍讀學士移節安徽晉尚學是秋即主江

南試以學臣而主試亦前此所未有也

結壻亭文集

姜湛園先生以布衣用崑山葉公薦入修明史局以翰林纂修官食七品俸仍許與試尋兼與一統志事凡先生入闈同考官無不欲急得先生者顧僂得僂失而先生亦疎縱累以醉後誤違科場格致斥又嘗於謝表中用義山點竄堯典二語受卷官見而問曰是語甚粗其有出乎先生曰義山詩未讀耶受卷官怒高擱其卷不復發膾康熙丁丑年七十矣先生入闈復違格受卷官見之嘆曰此老今年不第將絕望而歸耳爲改正之遂成進士及奉大對

聖祖識其手書特拔置第三人賜及第授編修甫二年而以己卯試事同官不飭盥盥牽連下吏滿朝臣寮皆知先生之無罪顧以其事涇渭各具當自白而不意先生遽病死新城方爲刑

邵嘆曰吾在西曹顧使湛園以非罪死獄中媿如何矣

呂光祿諱謙恒字天益號樵澗河南新安人在

聖廟時侍從垂十四年丁酉科主山東試庚子科主湖廣試  
今上御極之歲癸卯四月舉

恩科又以御史主浙江鄉試甲辰二月補順天鄉試正科復以  
戶科充同考官八月補會試正科又以刑科充同考官先生凡  
五持文柄旣明且介所拔皆得人三科省元又皆先後得第人  
翰林尤門墻之盛甲辰順天鄉試子耀曾亦以主客爲同考官  
父子同闈分校時論以爲榮

月樣集

高士奇字澹人號江村錢塘人自少好學能文家固貧年十九  
之京師以諸生就京闈試不利落魄羈窮賣文自給新歲爲人  
書春帖子往往自作聯句用寫其幽憂牢落之懷偶爲

聖祖皇帝所見大加擊節立召見旬日之間三試皆第一於是  
簡入內廷供奉旋授內閣中書舍人擢翰林院侍講存陞詹事  
府少詹事詩抄  
小傳

徐乾學字原一號健菴崑山人先生昆季皆一代偉人蔚爲國  
器視王氏之珠薛家之鳳不翅過之而仙韶法酒臚唱三聲履  
跡衣香集成一品尤屬古今僅事以是識與不識咸嘖嘖稱三  
徐云季爲立齋相國其得第獨先次爲果亭閣學康熙癸丑第  
三人及第長卽先生庚戌探花由編修洊陞至大司寇三公以  
博學高才連掇上第位列卿相門地之隆賓客之盛一時無兩

上同

姜宸英字西溟慈谿人以古文詞馳譽江表書法亦通神

聖祖仁皇帝稔識嘗與朱彝尊嚴繩孫並稱目之曰三布衣已

未詞科之舉朱巖皆入翰林而先生不遇久之用薦入史館食  
七品俸未授官年七十始提南宮是爲康熙之丁丑科殿試進  
呈名稍殿

上問十卷中有浙江姜宸英乎大臣有識其字蹟者謂第八卷  
當是

上云宸英積學能文至性尤篤可拔置一甲爲天下讀書人勸  
於是以第三人及第授史職已卯主順天試所搜羅多名下士  
以是來譏謫者之口下獄勘問事未及白而先生已赴玉樓召

矣同上

梁啟心字首存一字葑林谿父先生長子也家世錢塘自君爲  
學官弟子籍仁和少負清才與弟今少師有二難之目吾杭文  
體日趨於骯髒左塾之門虞庠之彥以甘辭軟調邀取時譽而

君獨知問學覃思閉戶默而深湛循厯曲折時時躡曾王之闕  
與文品峻潔如白雲在空孤鶴警露同時接跡而起者嚴在昌  
之清與任應烈之精切孫灝之窈窕密栗陳兆崙之律麗雄奇  
皆能開設壇坫推倒一世而心每懾君爲畏友少師旣得氣以  
去君戰藝於棘闈屢誦茶陵彭少詹來視浙學名冠一黌交河  
王學士拔君於五百人之中貢入太學隨計入京師非其好也  
歲在壬子始舉於鄉又八年而成進士改庶常例當俟散館谿  
父先生老矣少師時官少司寇侍從 禁廷不獲伸循陔之願  
君陳情乞養朝餐夕膳所以娛適老人者無弗至

聖天子廉其孝卽家授職編修蓋異數也

道古堂文集

王蘭生字振聲一字坦齋交河人幼端凝喜問學誦朱子易本  
義不遺一字安溪李文貞公督學畿輔拔置縣學爲諸生遂稟

學焉益自刻厲研極性命之理自樂律音韻旁及中西象數莫不深造從文貞公修朱子全書冥心編校數學相長泊然於聲利榮祿之外者十有三年

聖祖仁皇帝問士於文貞首以公薦

召直 內廷晝夜三接歲癸巳

命與舉人一體會試九月蒙養齋開局與編纂事旋以父病乞假歸丁憂方持重服

召赴熱河

行在復母病請急有

旨命韻書帶回就家纂輯益異數也服闋復赴書局日侍 講殿祇承

顧問晨入酉歸不問寒暑歲辛丑試禮部不利

賜一體殿試以二甲第一名進士改庶常充武英殿總裁纂修  
駢字類編子史精華是年冬

世宗憲皇帝嗣位以內廷近臣例邀

錫賚嗣散館授翰林院編修雍正三年四月奉

旨凡諸館有律呂門目者俱著會同修纂旋

命署國子監司業事明年出典廣東鄉試爲正考官未報

命實授司業俄有提督浙江學政之

命面乞便道省親五年擢翰林院侍講六年轉侍讀七年晉侍

讀學士調安徽學政復留卽充江南鄉試正考官以學使典鄉

闈前此未有復調陝西學政

同上

尤侗字展成江南長洲人康熙己未

召試博學鴻詞官翰林院檢討家居後加侍講所著西堂雜俎



傳入 禁中

章皇帝稱爲真才子後入翰林院

聖祖稱爲老名士位雖不尊天下羨其榮遇比於李青蓮西堂少時專尚才情詩近溫李歸田以後倣白樂天流於太易雖街談巷議一切入韻語中遠近或以游戲視之比於王鳳洲之評唐伯虎不知四十至六十時詩開闔動盪軒昂頓挫實從盛唐

諸公中出也

國朝詩別裁集小傳

雍正十一年癸丑一甲授職外張若靄授編修任啟運授檢討先是張若靄已定一甲三名拆卷後大學士張廷玉懇求降甲繼以泣乃改二甲一名授編修乾隆元年丙辰庶常外部用五十二員卽用知縣二十一員丁巳庶常外分部二員卽用知縣

三十六員助教一員

茶餘客話

大宗伯德清蔡公升元康熙壬戌狀元叔啟傳爲庚戌狀元有  
紀恩詩云入對 彤廷策萬言句臚高唱

帝臨軒

君恩獨被臣家渥十二年間兩狀元

兩村詩話

乾隆十四年十一月初二日內閣奉

上諭聖賢之學行也文末也而文之中經術其根柢也詞章其  
枝葉也翰林以文學侍從近年來因朕每試以詩賦頗致力於  
詞章而求沈酣六籍含英咀華究經術之闡奧者不少槩見豈  
篤志正學者鮮歟抑有其人而未之聞歟夫窮經不如敦行然  
知務本則於躬行爲近崇尚經術良有關於世道人心有若故  
侍郎蔡聞之宗人府府丞任啟運研窮經術敦樸可嘉近者侍  
郎沈德潛學有本源雖未可遽目爲鉅儒收明經致用之效而

視獵祭爲工剪綵爲麗者迥不侔矣今海宇昇平學士大夫舉  
得精研本業其窮年矻矻宗仰儒先者當不乏人奈何令終老  
牖下而詞苑中寡經士也內大學士九卿外督撫其公舉所知  
不拘進士舉人諸生以及退休閒廢人員能潛心經學者慎重  
遴訪務擇老成敦厚純樸淹通之士以應精選勿濫稱朕意焉  
欽此乾隆十六年閏五月十八日奉

上諭朕前降旨令九卿督撫薦舉潛心經學之士雖據大學士  
等核覆調取來京候試現在到部尙屬寥寥但觀此番內外諸  
臣保舉尙未能深悉朕意蓋經術根底之學原非徒以涉獵記  
誦爲能朕所望於此選者務得經明行修淹洽醇正之士非徒  
覘其工射策廣記問文藻詞章充翰林才華之選而已亦非欲  
授以政事責其當官之効如從前各保一人故事此朕下詔之

本意也在湛深經術之儒原不必拘拘考試若如內外所舉已有四十餘人卽云經術昌明安得如許積學未遇之宿儒其間流品自不無混淆豈可使國家求賢之盛典轉開倖進之捷徑勢不得不慎重考試以甄別之間有素質通經之譽恐一經就試偶遇僻題必致重損夙望因而托詞不赴以蔽拙爲完名苟如此用心已不可爲醇儒矣其安所取之然此中亦實有年齒衰邁不能跋涉赴考者伏勝年九十餘使女孫口授遺經於鼂錯其年豈非篤老何害其爲通儒此所舉內果有篤學碩彥爲衆所真知灼見如伏生之流者卽無庸調試朕亦何妨降旨問難經義或加恩授以官階示之獎勵乎著大學士九卿將現舉人員再行虛公覈實無拘人數務取名實相符者確舉以聞如果衆所共信卽可不必考試若仍迴護前舉及彼此瞻徇則尤

重負朕尚經學求真才之意獨不畏天下讀書人訾議與後世公評耶欽此尋內閣等衙門謹

奏此內惟陳祖范吳鼎梁錫璣顧棟高等四人臣等彼此諮詢多有知其平素品行端謹留心正學者雖未敢遽謂湛深經術足以追踪曩哲上稱

明詔而就數十人中詳加較量允屬潛心經學之士奉

旨保舉經學之陳祖范吳鼎梁錫璣顧棟高既據大學士九卿等公同覆核衆論僉同其平日研窮經義必見之著述朕將親覽之以覘實學在京者卽交送內閣進呈其人著該部帶領引見在籍者行文該督撫就近取之朕觀其著述另降諭旨或願赴部引見或年老不能進京聽其著述不必另行繕錄致需時日啟勦襲粹辨贗鼎混珠之弊欽此內閣傳

上諭臣吳鼎恭進象數集說一部集說附錄一部易問一部春秋四傳選義一部易堂問目一部考律緒言一部臣梁錫璵恭進易經揆一一部隨蒙

恩授臣吳鼎臣梁錫璵國子監司業是日

召對於

勤政殿面奉

恩旨云你們以經學保舉朕所以用你們去教人如今大學士九卿等公保你們這是你們積學所致不是他途倖進臣吳鼎臣梁錫璵謹奏臣等草茅下士學識荒陋蒙

皇上格外

天恩授臣等以司業之任臣等惶恐之至實在承當不起復蒙聖訓云經是讀書的根本但窮經不徒在口耳須要躬行實踐

你們自己躬行實踐方能教人躬行實踐臣吳鼎臣梁錫璵謹  
奏臣等何能教人惟遵奉

聖訓自己勉勵以此教人求少報

天恩於萬一隨叩頭謝

恩而出尋奉

上諭吳鼎臣梁錫璵所著經學各書著派翰林二十員中書二十  
員在武英殿各繕寫一部進呈原書給還本人所有紙札飯食  
皆給之於官著梁詩正劉統勳董理其事欽此威恩錄

范承謨字覲公漢軍鑲黃旗人大學士文程之次子年十七選  
充侍衛仍以茂才得應制科中順治壬辰進士由翰林院編修  
擢秘書院侍讀學士遷國史院學士康熙七年授都察院副都

御史巡撫浙江東原文集

壬午西湖龍井新建行宮

御製詩正查典故汪孟錫撰龍井聞見錄獻之

行在稱

旨卽命同諸生考試授中書終主事子如藻如洋如澗俱入翰

林石鼓齋雜錄

孫文靖士毅杭之臨平鎮人家世業賈時德清蔡某在鎮授徒強令附學父弗喜也入泮後仍居于肆四十中已卯舉人庚辰下第旅困珠市口店亦未知名辛巳二甲三名不用歸應壬午召試謂家人曰此去若不得官卽沉西湖誓不歸里旋以第一人授中書不十年開府溟陽入翰林職兼將相年幾八十先以征安南封公削去至是仍贈公世襲伯爵浙江科目中膺五等之封惟公一人而已同上



一甲三人未散館皆主文衡向所未有惟庚戌科石修撰韞玉  
主考福建王編修宗誠主考雲南而子亦奉同考京闈之  
命事未竣余及石君

特恩視學黔楚王君自滇中復

命復充會試同考官半歲之中三人皆疊邀

恩命則又從來未有之異數云

續書  
齊雜錄

先學使公康熙甲子舉於鄉其冬

仁皇帝詣闕里釋奠

至聖助祭者

特恩卽授職公當宰縣不肯就越三年登進士第入翰林授檢討  
講官闕

上憶公名召問其家世及辛曾時事甚甚遂補日講起居注典

浙江鄉試所拔多寒賤會學臣當遣禮部列名以請是時天下  
惟直隸浙江有學院例以閣部大臣爲之

上意在公也顧問曰翰林未開坊者亦可乎部臣曰簡在

聖心耳遂以公提督浙江學政編檢爲學院自公始也先學使

名光數字學山

樂剛  
剛述

吾鄉戴篋圃先生第元壬午江南副考官戊子湖北學院丁酉  
湖北副考官可亭均元庚子江南副考官戊申湖北副考官石  
士心亨丙午江南副考官丁未湖北學院蓮士衡亨癸卯江南  
副考官己亥湖北正考官可亭爲篋圃先生弟石士蓮士爲篋  
圃先生子文運之盛萃于一門而又于江南湖北歷歷不爽斯  
亦奇矣至篋圃先生曾任安徽學院可亭亦任此官其他文衡  
不可枚舉其榮幸爲吾鄉所僅見云

虛谷  
剛談

槐廳藏筆卷四

國子監祭酒法式善編

盛事一

山東王曰高癸卯典江南取兩鼎甲五尚書三大學士得人最

盛一統志

李霽字景需高陽人父國楷明天啟中為東閣大學士霽弱冠

登順治丙戌進士改庶吉士累拜大學士時年甫三十有四同上

白夢龍字仲調江寧人康熙庚戌進士官大理評事夢龍少與

兄夢龍俱崇尙志節時有二白之目及居官多所平反都御史

魏象樞亟稱之戊午補行福建鄉試夢龍為考官得士極盛同上

田逢吉字凝只高平人順治進士選庶吉士歷內國史院學士

終浙江巡撫逢吉年五歲父馭遠為流賊所執以刀脅之號泣

父旁若請代狀賊感動得無害在翰林分校主試得熊賜履李  
光地張鵬翮趙申喬陸隴其等皆爲名臣嘗奉使賑淮陽奏請  
寬逃人禁使流移者獲隨地收養全活無算上同

蔣永修宜興人督學湖廣釐正文體葺學宮二十四處修復石  
鼓書院請復周子世襲建義倉義學敦勵士行表揚節孝人咸  
勸興上同

熊賜履字敬修祚延子順治進士官檢討館閣著作皆出其手  
康熙中官學士上書數千言悉

嘉納之遷掌院事知

經筵進講宏德殿拜武英殿大學士尋罷歸二十七年

召拜禮部尚書遷吏部三十八年復入閣四十二年乞休卒謚  
文端賜履八主文衡

世祖實錄

兩朝國史政治典訓北征方畧孝經衍義朱子全書明史皆充

總裁官潛心理學所著有學統閑道劄記及文集若干卷同

熊伯龍字次侯漢陽人順治進士第二授翰林院編修歷官侍

讀學士性孤介砥礪名節在館閣二十年文章推重當世好汲

引後學精於藻鑑主試浙江督學順天及官祭酒多所識拔年

五十三卒同上

魯瑗字建玉新城人康熙進士授檢討典試山西稱得士爲國

子司業時集諸生講論娓娓不倦累陞右通政致仕主教豫章

書院生平無疾言遠色人自不敢干以私學者稱西村先生同上

順治甲午浙江鄉試熊鍾陵伯龍主試一榜狀元及第者三人

乙未史大成鄞縣人甲辰嚴我斯歸安人庚戌蔡啟傳德清人

浙江通志

徐倬年十歲游會稽受知於倪文正公因謁劉蕺山遂以正學為依歸癸丑成進士授編修乞歸養者十年癸酉主順天鄉試年已七十學老文鉅靈光巋然碑板之文照爛四方嘗輯全唐詩錄進呈所著詩文十餘種合之為贇郵集同上

順德人黃章年近四旬為博士弟子六旬餘試優補廩八十三貢入太學康熙己卯歲北闈秋試已百歲大書百歲觀場四字於燈令其曾孫為之前導國子監志

每一科賜第之後必選天下英俊魁碩之士教之養之既成而後授職一代之相才出其中一代之名臣亦往往出其中若定菴宮子器識文藝兼優者也庚戌之役余忝居總裁以第一人拔諸多士之中天下業已依光附景矜式恐後癸丑選入庶常

鉛槧攻苦猶爲諸生時也每拈一題監義摘詞出人意表如瀛  
臺等賦則揚班之遺也如性情諸說則程朱之粹也如屯田諸  
策則董賈之剴切也如冊詔諸作則燕許之高華也其古風排  
律五言等作俱枕籍騷雅則岑杜之蒼鬱也豈不珠聯璧合星  
明霞燦也乎

兼濟堂文集

孫君承恩榜進士其第三人君也君吳氏諱國對字玉隨又字  
默巖初母夫人有身夢二龍相對已而同乳生二男子君先生  
故名對其季曰龍當

世廟時用誅流以懲南北鄉試之弊其明年禮闈校士

上親定題日夜半遣親臣齋送鎖院其防密如此既策之於廷  
上曰吾旣以法懲除積弊宜可得天下真才故於是歲所取士  
恩意尤有加焉連數日引見官門拔其爲庶吉士者三十二人

與承恩等三人讀書翰林中

上嘗幸景山瀛臺南苑輒召以從賜坐延問如家人有欬歔感泣者嘗問君侃侃以對

上重焉舊制初教習分 國書漢書人習一書至是

上謂此皆真才漢書其所嘗習命人兼二書每間一月

御試之殿中親第其高下由是翰林之選益重焉君海內名宿試皆在上第長於諷詠指物引類對坐客運翰如飛鏗鏘幽窈旨趣感人顧是時雖重漢書而士之不能習 國書者則斥以

去君既專精辭翰又年盛氣盈文采丰儀懽伏一世若無以爲我難者久之於 國書不能竟學乃喟然嘆此乃天之所以限我才也明年則以病去居六年補編修典試福建遷國子司業侍讀又乞遷葬去居八年補侍讀提督順天學政事竣又以病



去蓋公於仕途未嘗久居其官如此

午亭文集

國家右文特重學臣之選非射策中甲科不得與又非才望爲廷臣所共推雖已銓除往往

至尊親爲更定學使清要固倍他司其稱否亦易見合數十州郡千百之人士評騰稍一不當則詬怨立起卽秉公持慎三年書升所取或非所錄亦終不足厭人望故學使之任爲極難湖陽楊公鍾岳來視閩學政在庚申之二月是歲補行鄉試公承前學使錄科後搜羅伏逸特拔中式者若而人次年辛酉鄉試中式者若而人隨上春官成進士者又若而人銖銖較之至兩而差寸寸度之至丈而爽公何料士之審若此

託素齋文集

同年僉都御史陳省齋肇昌黃岡人有六子次子大章康熙戊辰進士翰林庶吉士第四子大羣五子大華庚午同捷楚榜大

華又解元也是科長子大年亦中順天副榜第一省齋卽于是冬擢僉憲父子兄弟極一時之盛朝士榮之後幼子大輦又中

壬午鄉試居易錄

本朝會試自順治丙戌至康熙辛未已歷十八科中增丁亥己亥二科其

登內閣九卿督撫三品者惟丙戌乙未二科最盛丙戌大拜四

人傅聊城以漸李文勤蔚魏柏鄉裔介馮文毅溥尙書八人沙

宗伯澄高司寇景傳司空維鱗冀司空如錫朱司空之弼艾司

寇元徵魏敏果象樞劉端敏樾督撫尙書三人袁清獻懋功朱

河督之錫林漕督起龍左都御史一人劉遷安鴻儒侍郎十五

人李宗伯爽棠石司農中張司寇爾素陳司農協王司空天眷

胡少宰兆龍梁少宰清寬梁少宰清遠田司農六善楊司馬時

薦于司寇嗣登朱司農裴李司馬棠馥楊司空運昌王司農度

左副都御史一人董洛陽篤行巡撫右副都御史一人張閏撫

汧通政使二人晉洪洞淑軾劉羅山士蘭大理卿一人王文安

景祚本名內院學士一人夏蓋州敷九上同

乙未大拜一人宋文恪德宜尙書三人王司農日藻王司農隲

陳文安鼗永侍郎十二人史宗伯大成田宗伯種玉王宗伯澤

宏胡少宰簡敬于司農可託嚴司農沈王司農遵訓暨不佞士

禎孫司馬光祀楊司馬雍建李司馬贊元梁司空鉉左副都御

史一徐武進元珙總督侍郎二人徐清獻旭齡慕漕督天顏

巡撫侍郎三人田浙撫逢吉劉東撫芳躅曹貴撫申吉巡撫副

都御史二人劉直撫祚遠伊雲撫闕內閣學士一人綦高密汝

楫通政使一人楊臨清甯太常卿一人洪南安士銘太僕卿一

人蔣丹徒寅國子監祭酒一人馮涿州源濟蓋丙戌龍飛首科

卽乙未極盛不能及也後王宗伯澤宏與予亦至尙書上

李容齋<sup>天</sup>相國王戊典會試得士最盛子孚青先以己未進士

入翰林一日宴集諸門生史講學夔獻詩有云郎君館閣稱前

輩弟子門墻半列卿時以爲不減唐人文章舊價留鸞掖桃李

新陰在鯉庭之句上

本朝鼎甲之盛無如蘇州蘇州之盛又以長洲常熟二縣爲最

長洲狀元四人康熙丁未繆侍講彤癸丑韓少宰莢丙辰彭侍

講定求乙丑陸侍講肯堂韓以下三人皆兼會狀兩元常熟狀

元三人順治戊戌孫承恩康熙己未歸少詹允肅今科庚辰汪

修撰繹他若湖州之德清兩狀元皆蔡氏康熙庚戌啟傳王戊

升元叔侄也又皆戊科大奇上

河南提學道張仕可字惕存京江相國素存弟也父公選<sup>九</sup>先

以吏部爲河南學道父子相距三十年江西提學道王式穀字  
誨存睢州人大理寺卿公垂子也祖去非曠先爲江西學道  
祖孫相距二十八年余官京師三十餘年間皆及見之剛

明彭吏侍華爲庶吉士其兄文憲公時以學士教習然猶從兄  
弟康熙癸丑崑山徐官允秉義果亭以鼎甲第三授編修入館  
其母弟相國立齋以翰林掌院學士司教習具疏題明

特旨免秉義教習曠典也乙丑會試華亭王戶侍鴻緒儼齋爲  
總裁其母兄編修九齡爲同考試官尤僅見同上

太常寺少卿王楨字文木號雨嵐弱冠補上庠有聲場屋順治

乙酉

世祖章皇帝龍飛首科領鄉薦明年丙戌成進士以二甲高第  
除中書科中書舍人是年再行鄉試公分校得故吏部尙書諡

恭定郝公惟訥等十二人已丑考選授兵科給事中癸巳轉吏科右給事中掌登聞鼓尋轉吏科左給事中乙未分校禮闈得故太常寺少卿尹君源進等二十一人得人之盛前後無與比

集 蠶尾

順治戊子順天鄉試第四名張永祺壬辰榜眼及第第五名戴

王綸乙未榜眼及第第八名熊伯龍己丑榜眼及第

池北偶談

康熙庚戌狀元蔡啟傅壬戌狀元蔡升元俱德清人升元即啟

傅從侄嗣

順治戊戌鼎甲三人常熟孫承恩鹽城孫一致全椒吳國對皆

江南人皆中甲午順天榜

同上

順治以來蘇州會元六人乙未秦弑長洲人丁未黃初緒崇明人癸丑韓葵丙辰彭定求乙丑陸肯堂丁丑汪士鋐俱長洲人

狀元七人戊戌孫承恩常熟人已亥徐元文崑山人丁未繆彤  
吳縣人癸丑卽癸丙辰定求己未歸允肅常熟人乙丑卽肯堂  
兼會狀者三人上同

崑山徐氏兄弟三人長乾學康熙庚戌探花及第刑部尙書次  
秉義癸丑探花及第右庶子次元文順治己亥狀元及第以戶  
部尙書大拜同胞三及第前明三百年所未有也惟宋李宗諤  
子昭遺昭遺子果卿果卿子士廉三世探花及第上同

順治己亥狀元徐元文榜姓陸探花葉方藹皆崑山人庚戌狀元  
蔡啟傅榜眼孫在豐皆德清人明崇禎癸未榜眼宋之繩探花

陳名夏皆溧陽人上同

武進楊修撰廷鑑呂閣學宮僚婿也一明崇禎癸未狀元及第

一順治丁亥狀元及第

廷鑑二子大鵬己亥庶吉士按察使大鶴己未諭德

上同

本朝一邑科第之盛者無錫壬辰狀元鄒忠倚乙未探花秦鉞

長洲籍秦又會元也已亥榜眼華亦祥榜姓甲辰探花周宏榜姓

崑山三徐兄弟及第外又有己亥探花葉方藹德清庚戌二及

第外又有丙辰榜眼胡會恩壬戌狀元蔡升元常熟戊戌狀元

孫承恩丙辰探花翁叔元己未狀元歸允肅同上

全椒吳氏兄弟同胞五人其四皆進士長國鼎前癸未進士官

中書舍人三國縉順治己丑進士四國對順治戊戌進士榜眼

及第官翰林侍讀五國龍亦前癸未進士官禮科都給事中國

對國龍學生也國龍子晟康熙丙辰進士曷辛未進士榜眼及

第同上

桐城張禮書英兼翰林院學士掌院事子廷瓚同時官翰林侍

讀學士又同為日講官



華亭王左都鴻緒先爲內閣學士二兄頊齡九齡皆翰林侍講

學士同上

順治乙酉鄉試山東法若真以五經疏聞於朝特

旨授中書舍人仍與會試丙戌遂入翰林其弟若貞同科進士

給事中同上

長洲彭氏定求丙辰狀元寧求壬戌探花同會祖兄弟同上

近日地氣自江南至江北而揚州爲極盛如甲戌顧圖河江都

人榜眼及第庚辰季愈寶應人榜眼及第癸未王式丹亦寶應

人會狀兩元及第一時稱科名盛事此前未有也香祖筆記

江淮以北鼎甲甚不易得蓋自明時已然然如直隸滄州順治

丙戌呂讀學顯祖乙未戴少叅王皆榜眼及第河南柘城縣康熙

甲辰李侍郎元振庚辰王編修露一榜眼及第一探花及第露卽

會元也滄州又有丁亥會元李人龍官內閣中書舍人然則堪

與家言信有徵矣同上

近歲遭逢之奇無如毘陵趙中丞申喬者申喬康熙庚戌進士

初仕為商邱令陞刑部員外郎引疾家居

特旨起擢浙江布政使尋巡撫其地弟申季丁丑進士自廣西

知縣

召入翰林子鳳詔戊辰進士知臨汾縣甫一載超擢太原知府

熊詔己丑進士

特賜狀元及第分廿餘話

丹徒張氏吏部文選郎中九徵順治乙酉解元丁亥進士終河

南督學諸子玉裁康熙丁未進士第一甲第二人及第終翰林

院編修玉書順治辛丑進士 文華殿大學士兼戶部尚書仕

可康熙丙辰進士亦以僉事爲河南督學遷湖廣布政使司叅議恕可康熙戊辰進士浙江杭州府知府玉書子逸少康熙甲戌進士翰林院編修上同

近科鼎甲三人皆至八座者甚少同時者尤少惟癸丑狀元韓奕第二人王鴻緒第三人徐秉義同時爲八座韓禮部尙書王工部尙書徐吏部侍郎衣冠詫爲盛事

本朝設科已來所未有也歸田錄記首甲三人並登兩府者惟天聖五年一榜此足相匹上同

本朝康熙丁卯解元張兆鵬吾邑芳干人也父仍休寧庠庚午浙江解元吳筠歙溪南人辛未狀元戴有祺吾邑瑤溪人會元張瑗祁門人亦一科同郡兩元矣萬青閣偶談

古今名爵之盛王謝尙矣唐如張說三世宰相明如靈寶許氏

一門皆貴希遇我

朝建興人物之盛亦有足述者父子尙書王崇簡王熙宛平人兄弟總憲徐元文徐乾學崑山人父子同時總督白色純白秉節遼東人一榜三鼎甲馬世俊狀元鮑亦祥榜眼葉方藹探花俱江南丁酉科方月江猶所取也一門三鼎甲徐元文徐秉義徐乾學俱探花同榜一縣兩宰輔山東益都孫廷銓馮溥俱己卯科洪承疇以內閣經畧五省吳興祚由知縣三年陞總督

史小

翰林院檢討曲阜顏君光徵學山爲復聖顏子六十七世孫中康熙二十七年進士改庶吉士除今官三十二年秋典浙江鄉試還

天子命提督浙江學政近例學院以翰苑兼坊局銜者充之君

以史官

特簡異數也士三年大比浙東西就試者至萬餘人主司之不  
公士且攢譏竦誚有裂榜紙而以瓦礫擊其後者矣君來榜既  
放雖見抑者無怨及聞君再至交以手加額君亦杜絕干請惟  
真才拔擢克循祖父忠孝之門風入稟太夫人之訓焚膏點筆  
靡間晨暮席門麤牖韋帶紉履之士悉甄綜無遺才飯糲茹藿  
甘之如飴士皆鼓舞自奮而君斯瘁矣

縣書  
亭集

世祖章皇帝定鼎以來

國家舉行

臨軒策士之典凡十有三而以第一人及第者吾郡獨居其五  
海內傳為盛事中間有太公與太夫人皆無恙能享其子之祿

而屢受

天子馳封之錫者則惟學士徐公肅侍講繆歌起兩先生之家

爲然

純翁續情

王子厚諱曰溫一字綠野其先山西洪洞人也明初遷尉氏之古三亭岡遂占籍尉氏傳十餘世皆有隱德至芝童公萬厯庚子魁於鄉漢中推官遷同知青州府生子二長鳴玉次鳴球卽封公也封公中順治庚子鄉試第一甲辰中會試有子六人子厚其長也子厚少負軼才年十一補博士弟子有神童之目癸卯舉於鄉丁未會試中式時年二十三初封公甲辰未嘗與殿試至是父子同對策大廷人以爲榮

湯子遺書

接待以來不敢恩門墻忽忽逾月伏聞

御批有薦舉人員着候到齊之日考試之旨

聖恩汪濊屢沛溫綸張八紘之網集四海之士卽累月浹茂  
齒餘榮豈草莽臣所敢言抑寒蟲鷓鳥有迫而欲鳴者敢以獻  
於閣下竊聞聖王哀一夫之不獲仁者胥萬物使得所計天下  
被薦者內外出處凡百八十餘人除丁憂准免者九人現在驗  
到者百三十一人續到者七八人物故者四人題明不到奉  
旨續催及未經查明題報者共二三十人以所部敦促上道火  
烈雷迅度必有疲癯衰疾實不能起者且今之耆舊如傅山杜  
越年垂耄耄病不能與馬昇以籃管馳卧國門外亦可見

天朝之曠典莫敢不舉踵矣

學餘堂文集

自昔文人多矜夙慧然或以一事成名或以片言居要云始基  
之非大成之候也制義一途於古今文字中最爲精粹老師宿  
儒皓首窮經不能悉其義而若發穎豎旦夕奏效越景絕塵一

日千里其視昔賢爲倍難矣余至武林值學使程公校士甫竣有吳童子以九歲迭冠軍觀者如堵墻已知爲吾友爾效之子念修也爾效出試刻見示抑何齒之新而才之夙乎

連龜集

傅公以漸以開國首科第一人授官修撰不十年入政府受

特達之知大計密議恒蒙

俞允自諸生迄通籍垂四十年讀書嗜學手不釋卷著述甚多惜燬於火在官食不重味衣皆再澣以清勤著稱學者稱星巖

先生

泉山堂  
剞稿

士子省試以所占經爲一同考薦者謂同門視同年友尤親密余丙子試京兆及副額同商邱朱子山言以毛詩出左蠡吾夫子門已卯鄉薦則同出行唐張夫子之門者有常熟蔣子西君山言西君俱以詩名海內余不能屬一語則余之陋也

圭美  
堂集



歲在乙未春三月

廷試禮闈所取士表弟徐端揆擢居第一舉朝公卿相賀得人  
四方學古守道之儒咸以爲實與名稱也竊觀設科取士之法  
本古三年大比禮賓賢能而登天府一賢者特出爲天下先則  
人人肄詩書名節耻爲無本之學與夫一切苟且之行其所繫

豈小耶

匠門書  
屋文集

康熙五十四年禮部行會試長洲李錦舉第一其弟文銳同榜  
中式殿試後

天子親選庶吉士兄弟皆得與人皆稱李氏有世德尊人陶菴  
義方之教有以啟其後也

同上

輔銘兄生于康熙丁未先是邑令會議漕糧故高其直先大父  
爲民侃侃力爭令語塞密使人遺以金大父拒弗內是夜夢神

謂之曰當送王曾爲爾孫已而生伯氏小氏曰沂後大魁天下  
先庶常在朝恭遇臚傳口占二律所謂沂國當時曾有兆者蓋  
指此也乙未分校禮闈董金者踵至咸峻却之丁酉西江之役  
尤以公慎自矢嘗題試院協一堂柱云三條官燭棘闈辛苦廿  
年苟以溫飽負平生斯誓有如江水一介儒冠玉樹光榮兩世  
能取文章報恩遇此行方識廬山又銜

命口占云恩隨波濶流還遠心較冰寒夏亦堅其梗槩可知矣

雜音  
初集

胡禹冀字載川江蘇江寧人太平府儒學教授以順治乙酉舉  
於鄉至康熙乙酉始姑熟告歸重見鄉後進之歌鹿鳴者人爭  
羨之以謂前輩登後甲子復一周者獨嘉靖中石城許公而君  
卽許公彌孫也君之生也未嘗有疾病憂患終日熙熙踰八十

飲食步履如平時

望溪集

桐城劉捷康熙辛卯鄉試舉第一其祖若寧明崇禎辛未及第一一人同產兄輝祖康熙庚午鄉試舉第一衆議皆謂宋明科目有三皆一者今捷亦可當之同上

康熙六十年夏

聖祖仁皇帝召晉江陳公青陽吳文簡公長洲何公赴熱河行在撰擬文字當是時三公皆編修長洲故先進而陳公與文簡皆晚遽然皆稱詞林中耆宿云

松泉文集

進士鮮有至六十年者康熙己未進士至乾隆己未猶在而得與後輩稱前後同年有兩人焉一爲益都趙贊善秋谷執信一爲黃岡王僉都西澗材任時西澗年八十有七而秋谷年亦八十矣王重聽趙失明兩公耳目各廢其一而皆不廢吟咏云

柳南

康熙庚戌會試得人之盛為

本朝第一理學則有陸公隴其李公光地名相則有王公揆直臣則有郭公琇廉吏則有邵公嗣堯宿學則有許公自俊周公陳俶錢公世燾是科典試為柏鄉魏相國裔介合肥龔尚書鼎

學同

江陰湯廷尉公餘日錄謂閩之林泉山四代進士江西之彭文憲二世閣老以為卓異而

本朝桐城張氏亦二世閣老崑山徐氏則兄弟三鼎甲宣興吳氏則五代進士長洲沈氏磁州張氏秦州宮氏吾邑蔣氏則四代進士長洲彭氏則祖孫會狀德清蔡氏則從叔姪兩狀元可謂超越前代矣

柳南隨筆

浙江江西湖北三省考官同日命下余與叔度晉川為正考官  
而以學士王君秋瑞編修歐陽瑤岡史君西山貳之蓋異數也

三君皆予乙丑所得士

香樹齋詩集註

壬申歲予督學浙中晉寧李公來典鄉試今李公督學子來典  
試故云回首絳紗殘夢斷迭為賓主悟前因

芝庭詩稿註

仁和金德瑛汝白雍正丙午孝廉官中書舍人乾隆元年太僕  
寺卿蔣公璉薦舉博學鴻詞未及試丙辰以第一人及第授修  
撰入直

南書房是舉有兩狀元金壇于振鶴泉及汝白也

詞科掌錄

孫司馬光祀順治丁酉典湖廣試得一百六人捷南宮者六十

四稱為盛事

雅雨堂集

太守王泰姓字芝圃新淦人以雍正甲辰捷南宮讀書中秘儕

輩皆推服之。用才能轉戶曹主政。既躋正郎，復歸庶常。散館列一等四名授職，編修其由庶常改戶曹。詩云：豈解度支籌國賦，但能清儉凜官常。散館授編修。詩云：三載戶曹居下考，一時翰苑忝頭班。皆異數也。

雙柳堂日記